



Inatsisartunut ilaasortaq
Justus Hansen
Demokraatit
/Maani

**Kalaallit Nunaanni nalunaaqutaqatigiit pillugit § 37 naapertorlugu
apeqquteqaammut nr. 50-imut akissut.**

11-02-2019
Suliap nr. 2019 - 3464
Dok. nr. 9980305

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Asasara Justus Hansen,

Kalaallit Nunaanni nalunaaqutaqatigiinnissaq pillugu Inatsisartut Suleriaasianni § 37 naapertorlugu Naalakkersuisunut apeqquteqarputit. Apeqqutitit uannut akisassanngorlugit innersuunneqarput.

Apeqqutit imaapput:

- 1. Naalakkersuisut sulissutiginiarnerlugu Kalaallit Nunaata tamarmiusup assigiimmik nalunaaqutaqalernissaa?**
- 2. Naalakkersuisut isumaat naapertorlugu Ittoqqortoormiut nalunaaqutaata akunnernik marlunnik siulliunera sunik iluaqutissartaqarpa aamma akorngutissartaqarpa?**
- 3. Suliamut tunngasunik allanik soqutiginaatilinnik naalakkersuisut paasissutissiinnaappat?**

Akissut:

Kalaallit Nunaat naluneqanngitsutut, nunatta Tunumiit kitaanut nunani tamalaani nalunaaqutaqatigiinni arlalinni inissisimanagera tunngavigalugu nalunaaqutaqatigiinni arlalinni aggulugaavoq. Ittoqqortoormiit nunatta kitaani nalunaaquttamut nalinginnaasumut sanilliullugu, nalunaaquttap akunnerinik marlunnik siulliulluni, immikkut nalunaaqutaqatigiinni immikkut inissisimanagera saniatigut, Pituffimmi sakkutooqarfik, nunatta kitaani nalunaaquttamut nalinginnaasumut sanilliullugu nalunaaquttap akunneranik ataatsimik kingulliulluni nalunaaqutaqatigiinni inissisimasoq, taaneqarsinnaavoq.

Nalunaaqutaqatigiinni nunatta maannakkut aggulunneqarneranut, ukiorpassuarni atuussimasumut, tunngaviusut pillugit paasissutissanik pissarsiniarnissaq

siunertaralugu, Naalakkersuisut atorfilittai naalagaaffimmi oqartussanut saaffiginnipput.

Naalagaaffimmi oqartussat ilaatigut paasissutissiipput, Kalaallit Nunaanni nalunaaquttamat nalinginnaasumut aamma Kalaallit Nunaanni nalunaaqutaqatigiinnut aalajangersaaneq, assersuutigalugu aasaanerani nalunaaquttamik aalajangersaasernerup akerlianik, suliassaqarfittut akisussaaffigilerlugu tiguneqarsimasutut isigineqanngitsoq. Naalakkersuinikkut suliassaqarfik Assartuussinermut, Illuutitut Ineqarnermullu ministerip ataani inissisimavoq.

Tamanna tunngavigalugu Assartuussinermut, Illuutitut Ineqarnermullu ministereqarfiup isumaqatigiissusiorfiginissaa anguniarneqarpoq, nunatta nalunaaqutaqatigiinni arlalinni maannakkut aggulunneqarsimaneranut tunngaviusut pisariaqartitsinerlu uppersarneqassasut nalilersorneqassasullu. Ilaatigut suliassaqarfik Namminersornermut inatsimmi aalajangersakkat malillugit akisussaaffigilerlugu tiguniarneqassanersoq nalilersuinissaq siunertaralugu. Ilaatigut maannakkut nunatta nalunaaqutaqatigiinni arlalinni aggulunneqarsimaneq allanngortinneqarani attatiinnarneqarsinnaanersoq naliliiffigineqarniassamat.

Suliaq qaqugu inerneqassanersoq, suli oqaatigiuminaappoq. Kisianni suliaqarnissap taaneqartup ingerlanneqarnissaa qilanaaraara, tassami apeqquteqartutuulli nunatta nalunaaqutaqatigiinni aggulussimanerata atuuttup nalilersorneqarnissaa qilanaarigakku.

Apeqqummut qaqqinneqartumut allanik oqaaseqaatissaqanngilanga.

Inussiarnersumik inuulluaqqusillunga



Kim Kielsen